



秋崖先生小藁卷之三十四

方岳

七言古體

黃宰致江西詩雙井茶

黃侯授我以江西詩禪之宗
泚淪我以雙井老僊之雪
香磚爐春着兔毫玉石鼎
月翻魚眼湯夜窻搜攬十
年讀候蟲鳴秋聲殷墻迺
翁詩家第一祖不用棒喝
行諸方掀翻杜陵自作古
夜半衣鉢誰升堂單傳橫
出二十六未許歛梅洪鴈
行雅聞滕閣藏墨本欲往
從之山阻長牙筴大冊忽
在眼荒苔茅屋森珎璜東
湖柳色入眉宇君其幾代
之諸



卽不離文字話祖意傳燈肯與留山房寧知三生
受昏闇縱有此燈無此光宜州戍樓山月苦茫茫
參到無何鄉

合紙屏爲小閣畫卧衮訪戴其上名之曰
聽雪各與長句

空山十日雪塞門天荒地老無行人蘆花敗絮不
堪着山石夜裂蒼皮皴竒寒中人僵鼻鼻樵汲路
迷瓶粟旣駕風萬鶴危欲仙此腹久無煙火氣家
家暖入紅麒麟誰肯問訊推柴荆洛陽令亦可人
者惜哉史不書其名此公要亦非知我志士從前
例寒餓倘令開口向凡兒寧忍春雷曲肱卧

其二

颼颼颼風落木淅淅淅瀝瀝聲撼竹乾坤不夜起
開開一港玻璃四山玉我所思兮渺中洲幽懷欲
寫誰與訓世間餘子不足語乘興徑上漁翁舟未
到山陰竟回棹歛去驟來何草草神交如必面相
朋逸韻高情一如掃寧可一生無此人不可一日
無此君襟期何必戴安道玉立寒青自不羣

題董一之花木抄

君不見王子猷剡溪夜雪之孤舟此翁百好不入
眼而雅弄竹深相投君不見陶淵明徽絃不具之
古琴東籬把菊偶然耳人或作圖傳至今吾何曾

李
匡

識董一之於此略已心相知事治好春繞庵屋豈
有俗子能爾爲江風山月無盡藏時一吐出胃中
竒昇茶作經花作譜銓次蘅若蘭蓀籬秦碑晉帖
了真贗硯石錯落書參差邇來抄注到儕友唾視
錢癖何人斯長卿但有四立壁無一持贈長嗟咨
煩爲傳聲語花草儻可千里同襟期吾聞竒章公
石李成畫在廬九老湘九疑煙雲渺綿不可狀世
乏佳士當歸誰君其持以問太空所不昇者如此
詩

次韻徐宰雪句

雪花飛盡江頭蘆秋崖有屋窓未糊嗅梅自可了

蓬

孤寂燃竹相昇留須臾傳觀玉帝整嚴衛雜沓琅
佩紛前驅夢隨姑射扣瑤陛身入閭闔排銀鋪明
毫一色寶塔淨端木六出瓊林孤綠章封事見名
姓白霓仙子軒眉鬚乃知天喜愛民尹分此雪昇
耕田夫山川盡入古圖畫園林已作春規模逢船
誰可載書共松醪未擬炊書沽金僕姑寒憶戰士
玉玲瓏煖無歌姝煮茶安用碧跳脫眠蓑自勝紅
隄觥盟鷗父昇說心腹買犢大欠耕膏腴頻年歲
入少生許何日詔下蠲田租甌塵但憂脫粟飯甌
滑未議羨尊鱸群公豈堪立仗馬賤子只跨尋詩
驢第令吾民不知餒如彼蔡人何足誅衝寒索米

宗唐

徙者衆啼饑載道携其孥邊烽有警事方爾民瘼
未軫天地無轅門誰曳丈二組羽書夜下尺一符
少遲獸獮渤海盜當復蟻浮高陽徒平淮有碑儻
須刻筆墨可但唐宗儒

趙丞饒酒蟹獐也

公子魚腸秋滿殼山吏無詭飽霜擇寒浦醉骨糟
丘臺鳴鶻數肋凌煙閣故人斜封三印紅秋江已
在吾目中角聲喚起邊城夢雪岸打圍蘆荻風

元夕病中

家貧近市常喧啾燈夕無燈冷於水罷參法喜深
炷香示疾維摩低隱几梅花相親不余負酒盞成

踈竟誰使一生甘作癡凍蠅有方莫趁追犇螳頗
聞捷奏箭飛書想見昇平花作市醉吹笙篴舞娥
眉春入鼓鼙騰馬耳落釵教盪少年事彈鋏悲歌
游俠子寧種松風眠隱居自斲芝田食角里掉頭
塵土誰枉尺過眼紛華不盈咫吾生如月浪中翻
人情得蜜刀頭紙內觀各自普光明頓悟中生大
驩喜紈如三鼓雨聲寒睡思正濃姑舍是

次韻謝兄饋李

往事轉頭如墮甌獨枕書眠知雋永竹窻風好直
萬金不涉世間榮辱境東山之屐北山移坐覺室
邇長相思碧脆已冰烹伏雌未害踏雲來話詩

非瓊花

舊傳瓊花無異雙專奇擅美名此邦江南清夢入
詩府安得一念令心降去年騎鶴揚州住斗酒屢
眠雲霧窻月寒雪冷花未吐正爾俗葉凡株椿心
期妙處在真實不假羽節青霓幢今春訪花吾第
一自折繁枝盛翠缸橫看倒睨掉頭語前語後賦
何其哢真珠碎簇玉蝴蝶直與八仙同一腔聞名
見面足笑筦強爲花辨幾愚憊有如巨賢雜群小
望而可識爲奇厖陳餘張耳信相似一等人耳無
純在忠耶佞耶豈難別祝鮀不類關龍逢試持此
論訊后土謂予不信如長江

再用韻酬朱行甫

夢中翠鳳飛來雙駕言后土遜名邦手持玉簡判
紅紫歛袂欲以詩城降粹容喜動日月角揖我入
對玲瓏窻爲言瓊花返蓬閣下界久矣無根椿乃
今存者質本耳補亡以給青油幢人間識真蓋亦
寡載酒嘉賓寧論缸黃冠誕謫謹勿信傳訛聽舛
其言哢爲花作辨誰氏子謬妄補入黃鍾腔耳庸
日陋惑世俗其罪不能三赦憊朱雲之孫亦奇士
文有氣骨豐而厖謂瓊赤玉匪爲白不比俗論紛
茸厖詩筒注來捷於響夜發嚴鼓聲逢逢咨爾岳
為謝此老壯哉寸管飛濤江

月下大醉星姪作墨索書迅筆題為醉矣
行

吾醉矣吾醉矣醉語雖強難舉似何年開闢有乾
坤日月左旋如磨螳尊盧赫胥一聚塵禱杌春秋
幾張紙道家者流李老君儒家者流孔夫子等一
浮名世間耳煙霏冢纍纍青山良是白骨非欲
呼古人呼不醒詩呼得醒將何如世情冷暖翻覆
手人生短長屈伸肘安用黃金印如斗君不見顏
子白頭縛十九要與彭鏗骨同朽天地荒老生古
愁所不負予如此酒千古在前萬古在後著我中
間渺然何有亦知本是麋鹿群那解作人牛馬走

白魚如玉紫蟹肥秋風欲老蘆花飛酒酣月落唱
便住螭虬蟠攫霜毫揮吾婦曰君醉耶吾姪曰非
醉也謂吾醉者固不然非醉亦非知我者花影滿
身扶不起此紙不知何等語明朝勿與醒者傳笑
倒渠儂吾醉矣

題和門岳王廟

神京鱗介腥衣裳三精霧塞天地光麗啼鼉笑紛
披猖中分宇宙尊犬羊誰其與者淪網常受計於
虜扼我吭玉心凜凜天蒼蒼以次來縛歸朝堂自
南自北諾已償焉用與虜為胥戕為讐報讐胡不
滅至今淮壑為河湟每觀王傳心摧傷怒髮為立

瞻爲張皇界予邑於初閭聞玉有像北山岡欲往
從之潔予觴簡書之言不我違今日且去此何敢忘
牲肥酒香時日良金弋鐵馬山茫茫

戲呈君用

秋崖初無負郭二頃田向來耕舍寒炊煙負薪行
吹遭婦罵往往倒崖底之枯松煮崖邊之飛泉龜
腸怒吼賣牛具龍骨倒掛行蝸涎乃以農自目其
然豈其然晉山之窮固亦無一錢較之於我猶差
賢白頭把筆耕六籍芸人芸已皆逢年可曾腰斧
響空谷但聞種之以弘農陶耨之以絳人玄先生
之號則不可北山父欲移文鐫吾嘗觀諸朝左右

分兩銓若使后夔降典夷作樂各違所長非所便
我今手招白雲弄渠語兩易其任盟當堅君農我
樵萬山綠依舊司存雨露邊亦不必承明之廬九
入亦不必歲中之宮九遷共披煙篔簹拜新號疏駁
不到松風前爛柯扣角醉眠熟佳話留與山中傳

次韻劉簿寄示

塵世崎嶇天一握俗子追犇蝸兩角先生宴坐心
平夷矮屋打頭甘寂寞手提老筆挾霜氣合上蓬
山直延閣高人乃亦主簿耳往往胷中自丘壑銀
鉤寶唾俱入妙令我見之生踴躍日酣昨暮春睡
濃柳外叩門誰剥啄一書自直十從事况有驪珠

光錯落風簷急轉百迴讀花草愁深顏色薄放余
許出半頭地未敢以信而以作譬如駑駘受刷飾
金環壁纏青絲絡猗那清廟吁已遠下俚巴詞可
無作候蟲鳴秋鳥鳴春美惡則殊俱自樂焚香危
坐試品藻頰亦敢言余論確公詩雖淡朱絃清我
詩雖雅黃鍾濁

次韻十二神體

鼠技易窮誰比數牛衣政可眠春雨虎窺九關高
莫捫兔秃千毫老無補龍嬰鱗逆事可驚蛇盡足
添心獨苦馬寧坂下困鹽車羊勿夢中翻菜圃沐
猴從爾楚人冠荒鷄寧起劉郎舞狗監魚煩誦子

虛豕亥縱分吾不取

其二

鼠穴不能容窶數牛角自斂深夜雨虎頭肉食飛
者誰兔窟跌居狡何補龍籍亦保終當還蛇杯生
疑空自苦馬曹誤我盍歸田羊羨禍人寧學圃猴
拳蕨嫩鮮可烹鷄毛菜香醉言舞狗尾時時遣續
貂豕白獻慙吾不取

秋崖先生小藁卷之三十四

秋崖先生小藁卷之三十五

方岳

巨山

詞

滿江紅

乙巳生日

說與梅花且莫道今年無雪君不見秋崖髮底莖
莖騷屑筆硯只催人老大湖山不了詩愁絕問筇
筇何事下磯來拋雲月重省起西山笏終負却
東山屐把草堂借與鷺眠鷗歇烏帽久閑蒼蘚石
青衫今作枯荷葉笑人間萬事竟何如從吾拙

九日治城樓

且問黃花陶令後幾番重九應解笑秋崖人老不堪詩酒宇宙一舟吾倦矣山河兩戒天知否倚西風魚柰劔花寒虬龍吼江欲醕談天口秋何負持螯手儘石麟蕪沒斷煙衰柳故國山圍青玉案何人印佩黃金斗倘只消江左管夷吾終須有

和程學諭

蒼石橫筇松風外自調龜息渾不記東臯秋事西湖春色底處未嫌吾輩在此心說與何人得向海棠爛醉過清明耐佳節君莫道江鱸憶吾自愛山泉激儘月明夜半杜鵑聲急人事略如春夢過年光不當驚弦發怕醒來失口問諸公今何日

水調歌頭

九日醉中

左手紫螯蟹右手綠螺杯古今多少遺恨俛仰已塵埃不共青山一笑不舛黃花一醉懷抱向誰開舉酒屬吾子此興正崔嵬夜何其秋老矣盍歸來試問先生歸否茅屋欲生苔窮則簞瓢陋巷達則鼎彝清廟吾意兩悠哉寄語雪溪外鷗鷺莫驚猜

平山堂用東坡韻

秋雨一何碧山色倚晴空江南江北愁思分付酒螺紅蘆葉蓬舟千重菰菜蓴羹一夢魚語寄歸鴻

醉眼渺河洛遺恨夕陽中
蘋洲外山欲暝歛眉
峯人間俯仰陳迹歎息兩僊翁
不見當時楊柳只是從前煙雨磨滅
幾英雄天地一孤嘯匹馬又西風

九日多景樓用吳侍郎韻

醉我一壺玉了此十分秋
江濤還此當日擊楫渡
中流問訊重陽煙雨俯仰人間今古
此意渺滄洲天地幾今夕舉白昇君浮
舊黃花新白髮笑重遊
滿船明月猶在何日大刀頭
誰跨揚州鶴去已怨故山猿老借箸
欲前籌莫倚欄干北天際是神州

壽丘提刑

甍柱有明月夜半吐光寒
淮南草木飛動秀出斗
牛間自有秦沙以後試問少游而下
誰捲入毫端補袞仲山甫
冰雪照雲寰霄漢近繡衣去錦衣
還江南且爲梅醉莫道歲將闌
三百六旬欲換五百歲終纒始
日月兩循環酌彼金錯落澆此碧琅玕

壽吳尚書

明日又重午攬借玉蒲香
勸君且盡杯酒聽我試
平章時事艱難甚矣人物眇然如此
騷意滿瀟湘醉問屈原子煙水正微茫
遡層巒浮疊嶂碧雲

鄉眼中猶有公在吾意亦差強曾次甲兵百萬筆
底天人三策堪補舜衣裳要及黑頭耳霖雨趁梅
黃

壽趙文昌

剡曲一蓬月乘興到人間蓬萊山在何處鶴骨不
禁寒曾有雲門禹穴筆有楔亭晉帖風露洗脾肝
秋入紫宸殿磨玉寫琅玕問何如趁瑣闥繫絨
鞍江濤今已如此可柰寸心丹我宋昇天魚極公
等如春難老王氣自龍蟠勲業付浯石留與世人
看

別廬山題龍湖閣

宇宙一杯酒暝色倚重湖青山杳杳何處煙水渺
愁予別岸風濤噴薄半夜魚龍悲歎能撼我詩無
李白醉不醒喚起問何如是耶非天莽蒼雪模
糊蒼顏白髮如此空復笑今吾寄語鷺朋鷗侶好
在風殮水宿底處不煙蕪吾亦從此逝從我者誰
歟

沁園春

賦子規

儘爲春愁儘勸春歸直恁恨深况雨急黃昏寒欺
客路月明夜半人夢家林店舍無煙楚鄉寒食一
片花飛那可禁小凝竚黯紅蕩翠老江樹陰陰

汀洲杜若誰尋想朝鶴怨兮猿夜吟甚連天芳草
淒迷離恨拂簾香絮撩亂深心汝亦知乎吾今倦
矣甕有餘春可共斟歸來也問淵明而後誰是知
音

隰栝蘭亭序

汪彊仲大卿襖飲水西令妓歌蘭亭皆
不能乃爲以平仄度此曲俾歌之

歲在永和癸丑暮春修禊蘭亭有崇山峻嶺茂林
脩竹清流湍激映帶山陰曲水流觴羣賢畢至是
日風和天氣清亦足以供一觴一詠暢叙幽情
悲夫一世之人或放浪形骸遇所欣雖快然自足

終期於盡老之將至後視猶今隨事情遷所之既
倦俛仰之間迹已陳興懷也將後之覽者有感斯
文

用梁權郡韻餞春

鶯帶春來鶻喚春歸春總不知恨楊花多事杏花
魚賴半隨殘夢半惹晴絲立盡碧雲寒江欲暮怕
過清明燕子時春且住待新筍熟了却問行期
問春春竟何之看紫態紅情難語離想芳韶猶剩
牡丹知處也須些个付昇茶蘼喚取娉婷勸教春
醉不道五更花漏遲愁一餉笑車輪生角早已天
涯

壽趙尚書

蠢彼鼯鼯嗟爾何爲敢瞰長淮遣詩書元帥又勞
指畫神僊壽日不放襟懷略已三年可曾一笑天
豈慳吾老子哉諸人者且携將雅頌留待磨崖
我姑酌彼金壘便小醉寧辭鸚鵡盃問今何時也
子其休矣有如此酒奚取吾儕帝曰不然政須卿
輩作我長城惟汝諧凝望處見紅塵飛騎捷羽東
來

和宋知縣致苔梅

有美人兮鐵石心腸寄春一枝喜蘇生龍甲那回
雪瘦月橫鶴膝不受寒欺雲卧空山夢回孤驛生

怕渠嗔未敢詩江頭路問銷魂幾許索笑何時
賦成字字明珠君莫倚家風舊解題歎水曹安在
飄然欲去逋僊已矣其與誰歸煙雨愁予江山老
我畢竟歲寒然後知微酸在儘危譙斜倚殘角孤
吹

和趙司戶紅藥

把酒問花靈粟梢頭春今幾何笑身居近侍階翻
萬玉面勻菩薩髻擁千螺一一牙籤英英碧字占
定花間甲乙科歸來也傍紫微吟處揉作陽和
秣今花事魚多看幾許風煙付鼻他待圍將翡翠
怕蜂粘粉織成雲錦遣鳳銜梭誰剪并刀贈之燕

玉莫負雙娥嬌溜波花應道儘花強人面底用能歌

和林教授

子盍觀夫商丘之木有樗不才縱斧斤睥睨何妨
雪立風煙傲兀怎問春回老子似之倦遊久矣歸
嚙漁簞羨竿魁村鉏外聞韭今有子芥已生臺
天於我輩悠哉縱作賦問天天亦猜且醉魚何有
酒徒陶陸與二三子詩友陳雷正爾眠雲阿誰敲
月不是我曹不肯來君且住怕口生荆棘曾有塵
埃

望江南

乙未生日

時赴官淮東以是日次南徐泊舟普照
寺下侍親具湯餅寺中門有扁曰壽丘
山親意欣然蓋以丘山爲岳字云

梅欲老撐月過南徐家口縱多難減鶴路程不遠
易携書只是廢春鋤 霜滿袖茶竈借僧廬湖海
甚豪今倦矣丘山雖壽竟何如一笑薦冰蔬

蝶戀花

用韻秋懷

鴈落寒沙秋惻惻明月蘆花共是江南客騎鶴樓
高邊羽急柔情不盡淮山碧 卅路只催雙鬢白

即晒字

菰菜萸羹正自令人憶歸夢不知江水隔煙帆飛
過平如席

又

山抹脩眉橫綠淨浦溆生寒立盡梧桐影香炷未
消簾幙靜醉紅如洗風吹醒 一夜秋聲連玉井
夢落孤蓬已盡山陰興成角淒涼清漏永江南煙
雨何堪省

又

秋水涵空如鏡淨滿鏡清寒倒碧搖山影葺戶誰
秤圓玉靜碧紗人怯黃昏醒 叢桂小山寒井井
喚起江南一葉萸鱸興先自新愁愁夜永不堪眠

重提省

木蘭花慢

吳尚書宴客連滄觀即席用韻

慨情江渺渺乘風下倚滄浪問許大乾坤金焦兩
點曾幾興亡平章古人安在但青山煙水共微茫
不道鷺嘲鷗笑歸來鬢已蒼蒼 重揚舞盡斜陽
雙燕語儘渠忙黯柔情不管花深傳漏羽急飛觴
思量人間如夢放半分佯醉半佯狂明日海棠猶
舊春風未老秋娘

如夢令

春思

知是誰家燕子直恁惺鬆言語深入綉簾來無柰
落花飛絮春去春去且道干卿何事

海棠

雨洗海棠如雪又是清明時節燕子幾時子只了
爲花愁絕愁絕愁絕枉昇春風分說

秋崖先生小藁卷之三十五

秋崖先生小藁卷之三十六

方岳 巨山

詞

賀新涼

別吳侍郎

吳時閒居數夕前夢枯梅成林一枝獨
秀

霜月寒如洗問梅花經年何事尚迷煙水夢着翠
霞尋好句新雪欄干獨倚見竹外一枝橫藥已占
百花頭上了料詩情不但江山耳春已逗有佳思
一香吹動人間世柰何地叢篁低碧巧相虧蔽

儘讓春風凡草木便做雲根底但留取微酸滋味
除却林逋無人識筭歲寒只是天知己休弄玉怨
遲暮

戊戌生日用鄭省倉韻

問訊江南客怕秋崖苔荒詩屋雲侵山屐留得釣
竿西日手夢落鷗傍鷺側倩傳語溪翁將息四十
飛騰斜暮景笑雙蓬一懶無他畫惟飽飯散輕策
世間萬事知何極問乾坤待誰整頓豈無豪傑
水驛山村還要我料理松風竹雪也不學草顛詩
白自有春策黃犢在儘諸公寶馬搖金勒容我輩
醉雲液

寄兩吳尚書

鴈向愁邊落湫汀洲孤雲細雨暮天寒角有美人
兮山翠外誰共霜橋月壑想朋友春猿秋鶴竹屋
一燈棊未了問人間局面如何着風雨夜更商略
六州鐵鑄從頭錯笑歸來冰鱸堪鱸雪螯堪嚼
莫遣孤舟橫浦溆也怕浪狂風惡且容把釣綸收
却雲外空山知何似料清寒只與梅花約逋老句
底須作

戊申生日

一笑君知否笑當年山陰道士行歌樵叟五十到
頭公老矣只可驚朋鷗友便富貴何如杯酒好在

歸來蒼崖底想月明不負携鋤手誰共酌剪霜非
乾坤許大山河舊幾多人劍倚西風筆驚南斗
俛仰之間成陳迹亡是子虛烏有湫煙草不堪回
首隔塢築亭開野迺儘一筇兩履山前後春且爲
催花柳

也 巳酉生日用戊申韻時自康廬歸猶在道

天意然乎否待相携風煙五畝招邀迂叟屋上青
山花木野儘可兩朋三友笑老子只堪棊酒似恁
踈頑何爲者向人前不解高义手寧學圃種菘韭
春猿秋鶴皆依舊怪吾今鬢已成絲膽還如斗

誰與廬山麾之去爾輩何留之有黯離緒暮江搔
首非我督郵猶束帶這一歸更落淵明後君試問
長亭柳

西江月

以兩鶴壽老人

茅屋何堪翠袖芝田自有霓裳一雙雪舞碧雲鄉
富貴人家以上 竹外山童敲臼梅邊溪友傳觴
青霞道服石爐香便是壽星模樣

和鄭省倉韻因以爲壽

燕子催將初度梨花指定清明春風可是太多情
樂事良辰一併 絳老從頭甲子楚騷幾度庚寅

晴光不隔鳳凰城花底舉頭天近

又

蔬甲初肥雨潤茶鎗小摘春明野籬是處可詩情
打過下湖船併捷報秋來旁午賢關早晚同寅
綠楊連騎帶春城不問南山遠近

一落索

九日

瘦得黃花能小一簾香香東籬雲冷正愁予猶幸
是西風少
葉下亭皋渺渺秋何爲者無錢持蟹對黃花又孤
負重陽也

漢宮春

壽王尉

雲澗之癯有詩盟未了鷗泛江湖一官直爲仙耳
不受塵驅高情逸韻自蘭亭已後都無準擬畫刻
舟夜雪與君相對成圖半竹苔寒如此問誰歟
來者鶴伴熏爐何如貯之天上風露冰壺江南春
早想梅花不肯欺吾疑便是孤山之北水香月影
林逋

探梅用瀟灑江梅韻

問訊何郎恁春風未到却月橫枝當年東閣詩興
夫豈吾欺雲寒歲晚便相逢已負深期煩說與秋

崔歸也留香更待何時 家住江南煙雨想踈花
開遍野竹巴籬遙憐水邊石上煞欠渠詩月臺雪
甕肯相從捨我其誰應自笑生來孤峭此心却有
天知

醉江月

夢雪

問天何事雪垂垂欲下又還晴却春到梅稍香逗
也儘有心情行樂剡曲舟回灞橋詩在一笑人如
昨此情分付暮天寒月殘角 誰道飛夢江南羣
山如畫一一瓊瑤琢中有玉田三萬頃云是幼輿
丘壑招我歸來和春醉去休跨揚州鶴萬花曾約

酒醒當有新作

八月十四小集鄭子重帥參先月樓是夕
無月和朱希真插天翠柳詞韻

綠尊翠勺約秋風一醉小樓先月誰取寶奩奔帝
所深瑣玉華宮闕老桂香寒踈桐雲重生怕金蛇
掣那知天柱一峯別與天接 我欲飛珮重遊寘
之衣袖照我襟懷雪玉斧難藏修月手待做明宵
清絕天地無塵山河有影了不遺毫髮舉杯相屬
喚誰牋與天說

壽老父

幅巾雲麓笑人生甕等何時是足莫道年來無好

麴第一林田新熟孫息乘鸞大兒薦鷄翁已恩袍
綠笑禪戎幕儘教岳也碌碌是則江南江北月
明飛夢認得溪橋屋多少睡鄉閑日月不老柯山
碁局唱箇曲兒喫些酒子檢點茅簷竹問梅開未
一枝初破寒玉

戊戌壽老父

且拚春醉問人間誰是十分如意道不好來人又
道也有一分好麴管甚長貧只消長健切莫眉頭
聚儘教江路梅花依舊留住兒輩雖不如人有
何不可怎敢嫌遲暮但喜吾翁躔度轉換起煙霞
深痼否極而亨剝餘而復長至迎初度龜圖羲畫

直從今日重數

是年六十四屬有未疾而生日適

萬花園用朱行父韻呈制帥趙端明

花風初逗喜邊亭依舊春閑營柳煙草隋宮歌舞
地誰遣萬紅圍綉結酒因綠裝春富貴也要經綸
手笙簫聲裏一江晴綠吹縵是處羽箭如飛那
知鶴府花壓欄干畫油幙文書談笑了餘事儘堪
茶酒報荅東風流連西日綠外沉吟久與春無負
醉歸香滿襟袖

和君用

槎牙詩骨想生來無分史闈經幄呵護九閔多虎
豹誰道去天一握奏賦兩都聞韶三月鴈遠書難

托一寒如許，蟾枝莫倚高。擢空使蒲壑，風煙半
村雪。月孤負梅花約，渺渺愁予初度也。山迥同雲
垂幕，鶴帳何如牛衣，無恙麥隴占優渥。不如歸去，
簷花深夜春酌。

送吳丞入幕

祈山底處爲二松，千竹肯題崖壁雪。洒談犀，麾鴈
驚爾輩，何煩涉筆。使者知乎民其勞止，且莫閑耕
織。充言金石，喚回春意，無極。雖則王謝人家，一
癯仙澤面，作蒼煙色。茶竈筆床，將雨屐吟到梅花
消息。賤子何爲老仙，如問莫道頭今白。寒簑幾夢
斫朱看點周易。

水龍吟

和朱行甫帥機瑞香

當年睡裏聞香，阿誰喚做花間瑞。巾飄沉水，籠熏
古錦，擁青綾被。初日酣晴，柔風逗暖，十分情致。掩
窻綃，待得香融酒醒，儘消受這春思。從把萬紅
排比，想較伊更爭些子。詩仙老手，春風妙筆，要題
教似十里揚州。三生杜牧，可曾知此，趁紫唇微綻，
芳心半透，與騷人醉。

和朱行父海棠

晝長庭院深深，春柔一枕，流霞醉暎。鬆欲醒，嬌羞
還困。錦屏圍翠，豆蔻初肥，櫻桃微綻。玉欄同倚，記

華清浴起渭流波暖紅漲膩棄脂水 燕子來時
天氣儘韶風與詩爲地芳叢丙歇露痕日曬英英
仙意莫恨無香最憐有韻天然情致待問春能幾
五更猶是拚今宵睡

蒲庭芳

擘蟹醉題

半殼含黃雙螯擘紫風流渾是蘆花江頭秋老誰
了酒生涯玉質金相如許怎消受明月寒沙橙香
也不閑左手除是付詩家 草泥行郭索橫戈曾
怒張翰浮誇笑鱸魚雖好風味爭此醉嚼霜前鬆
雪江湖夢不枉歸槎停杯問余其負腹是腹負余

耶

喜遷鶯

和余義夫行邊聞捷

淮山秋曉問西風幾度鴈雲蛩草鐵色駉驕金花
袍窄未覺塞垣寒早笳鼓聲中晴色一羽不飛邊
報君莫道怎乾坤許大英雄能少 談笑鳴鏑處
生縛胡雛烽火傳音耗漠漠寒沙荒荒殘照正恐
不勞深討但喜歡迎馬首猶是中原遺老閑何事
待歸來細話一尊傾倒

浣溪沙

趙閣學餉螯蚌酒春螺

半殼含潮帶靨香雙螯嚼雪迸臍黃蘆花洲渚夜
來霜短棹秋江清到底長頭春甕醉爲鄉風流
不枉與詩嘗

壽潘宰

夜醉淵明把菊圖宿醒扶曉又冰壺秋香留得伴
雙鳧併日蒲浮金鑿落明年初賜玉茱萸更書
欲上有除書

秋崖先生小藁卷之三十一

秋崖先生小藁卷之三十七

方岳 巨山

詞

齊天樂

和楚客賦蘆

孤蓬夜傍低叢宿蕭蕭雨聲悲切一岸霜痕半江
煙色愁到沙頭枯葉澹雲沒滅黯西風吹老滿汀
新雪天豈無情離騷點點送歸客歸去來兮怎
得儘鷺翹鷗倚乍寒時節秋晚山川夕陽浦叙羸
得別腸千結濤翻浪疊那得似西來一筇橫絕搔
首江南鴈銜千里月

花心動

和楚客憶梅

雪帶邊寒，澹愁予雪中誰抱，竒節遜在揚州。逋老孤山，芳信頓成消歇。江南茅屋，今安在，疎影瘦秣。堪嘆息，歸來未，沙頭立盡暮天雲碧。自笑梁園賦客，倚舊日鞍韉，春風巾幘。問訊橫枝，暖熱新花，無處訪尋。詩閣幾年不見，冰霜面，知誰共。批風支月歸來也，鷗盟不妨再結。

風流子

和楚客惟揚燈夕

小樓簾不捲，花正開，燈火競春宵。想舊日何郎飛

金叵羅，三生杜牧，醉董嬌饒，香塵路雲鬆鬢髻。月襯馬蹄，驕彷彿神仙，劉安雞犬，分明富貴。子晉笙簫，人生行樂耳，君不見，迷樓春綠，迢迢二十四。經行愛舊月，今橋但索笑，梅花酒消新雪。縱情詩草筆，捲春潮，俯仰人間陳迹。莫惜金貂。

瑞鶴仙

壽丘提刑

歲十二月二十有九日，實維綉衣使者，煥章公紱麟盛旦也。岳敢拜手而言曰：月窮于紀，星回于天，蓋三百有六旬有六日，於是焉極而歲功成矣。惟天之運

循環無窮一氣推移不可限量其殆極而無極歟分歲而頌椒守歲而爆竹人知其爲歲之極耳洪鈞轉而萬象春瑤歷新而三陽泰不知自吾極而始也始而又極極而又始元功寧有窮已哉天之生申於此時意或然也岳旣不能測識而又舊爲場屋士不能歌詞輒以時文體按譜而腔之以致其意

一年寒盡也問秦沙梅放未也幽尋者誰也有何郎佳約歲云除也南枝暖也正同雲商量雪也喜東皇一轉洪鈞依舊春風中也香也騷情釀就

書味熏成這些情也玉堂深也莫道年華歸也是循環三百六旬六日生意無窮已也但丁寧留取微酸調商鼎也

壽宋倅七月二十三日

中元絕過郎正宇宙澄清一天寒碧涼颼動秋色
筭佳辰恰是下弦當日天生俊傑富文才塊竒挺
特看葱葱和氣薰城共慶武夷仙伯 難得鈞鰲
連六虎榜登名新題淡墨從容蓮幕遊花縣無邀
隔縱風流別駕難淹紫詔行對天顏咫尺更堪誇
萱草長春紅衣交列

哨遍

問月

月亦老乎勸爾一盃聽說平生事吾問汝開闢自
何時有乾坤更應有爾年幾許鴻荒邈哉遐已吾
今斷自唐虞起繫帝曰放勳甲辰踐祚數至今宋
嘉熙凡三千五百二十年餘嗟雨憊風偃幾盈虧
老兔奔馳癡蟆吞吐定應衰矣噫月豈無悲吾
觀人壽幾期願炯炯雙眸子明清無過嬰兒但緣
到中年昏然欲耗那堪老矣知何似試以此推之
吾言有理不能不自疑耳恐古時月與今時異恨
則恨今人不千歲但見今水輪如洗阿誰曾自前
古看到隋唐世幾時明潔幾時昏暗畢竟少晴多

雨須臾月落夜何其曰先生寘之姑醉

用韻作月對和程申父國錄

月曰不然君亦怎知天上從前事吾語汝月豈有
弦時柰人間并觀乃爾休浪許曆家繆悠而已誰
云魄死生明起又明死魄生循環晦朔有老兔自
熙熙妄相傳月遡日光餘嗟萬古誰知了無虧玉
斧修成銀蟾奔去此言荒矣噫世已堪悲聽君
歌復解人願桂魄何曾死寒光不減此兒但與日
相望對如兩鏡山河大地無疑似待既望觀之水
輪漸側轉斜絛一鈎耳論本來不與中秋異恐天
問靈均未知此又底用咸池重洗乾坤一點英氣

寧老人間世飛上天來摩挲月去總信有晴無雨
人生圓缺幾何其且徘徊與君司醉

眼兒媚

泊松洲

鴈帶新霜幾多愁和月落滄洲桂花如許菊花如
許恁不悲秋江山例合閑人管也白幾分頭去
年曾此今年曾此煙雨孤舟

鵲橋仙

七夕送荷花

銀河魚浪瓊樓不暑一點柔情如水肯捐蘭珮了
渠愁儘閑却纖纖機杼波心沁雪鷗邊分兩剪

得荷花能楚天公煞自解風流看得我如何銷汝

辛丑生日小盡月

今朝廿九明朝初一怎欠秋崖箇生日客中情緒
老天知道這月不消三十春盤縷翠春缸搖碧
便泥做梅花消息雪邊試問是耶非笑今夕不知
何夕

玉樓春

秋思

木犀過了詩憔悴只有黃花開又未秋風也不管
人愁到處相尋吹短袂露滴碧觴誰共醉腸斷
向來携手地夜寒牋與月明看未必月明知此意

虞美人

見梅

鷗清眠碎晴溪月幾夢寒簑雪斷橋籬落帶人家
枝北枝南初着兩三花 曾於春底橫孤艇香似
詩能冷娟娟立玉載歸壺渺渺愁予肯入楚騷無

秋崖先生小藁卷之三十七

秋崖先生小藁卷之三十八

方岳

巨山

詞

一剪梅

客中新雪

誰剪輕瓊做物華春遶天涯水遶天涯園林曉樹
恁橫斜道是梅花不是梅花 宿鷺聯拳倚斷槎
昨夜寒些今夜寒些孤舟簑笠釣煙沙待不思家
怎不思家

燭影搖紅

立春日東高內翰

輦路融晴宮雲逗曉青旂報梅邊香沁絲鞭寒初
信花風到笑語誰家簾幕鏤冰絲紅紛綠鬧髻橫
玉燕鬢顫瓊幡不能知掉 看見春來麴塵微漲
催蘭擢嬌黃拂略上柔條等得鶯眠覺引出千花
萬草喜撓先椒盤竹爆問誰天上瑤帖初供玉堂
歸俶

最高樓

壬寅生日

溪南北本自一漁舟煙雨幾盟鷗白魚不負鸚鵡
杓青箬不減鷓鴣裘怎無端貪射策覓封侯 既
不似古人能識字又不似今人能識事空老去自

宜休帝鄉五十六朝暮人間四十四春秋問何如
茅一把橘千頭

壽黃宰 七月十六日

朝元了萬鶴放班回携月下天來初平家看青羊
石滕王閣醉綠螺盃試鳴琴花蕩漾玉崔嵬 前
十日鵲橋飛寶轡後一月兔奩開玉鏡秋色淨夜
徘徊申從五嶽三光出亥將二首六身排問何其
餐沆瀣蕪蓬萊

和人投贈

秋崖底雲卧欲生苔無夢到公台有月鋤曉帶烏
捷去與煙篔夜釣白魚來問誰能供酒料辦詩材

君莫笑閑忙甚得勢也莫笑浮湛魚得計宵次
老雪崔嵬付老夫小小鷓鴣杓儘諸公衮衮鳳凰
臺且容儂多種竹剩栽梅

行香子

癸卯生日

說與樵青緊閉柴門道先生檢校東屯阿戎安在
未掃愁痕且免歌詞休載妓莫携樽 梅自生春
雪立前村道此盃酒也須溫無窮身外付與乾坤
誰共耕山閑釣水飽窺園

江神子

牡丹

窻綃深隱護芳塵翠眉顰越精神幾雨幾晴做得
這些春切莫近前輕着語題品錯怕渠嗔 碧壺
誰貯玉粼粼醉香茵晚風頻吹得酒痕如洗一畝
新只恨謫仙渾懶却辜負那倚欄人

發金陵

梅花吹夢過溪橋路迢迢雪初消似恁天寒詩瘦
想無聊聽得草堂人有語能幾日是生朝 亂雲
深處洗山瓢鬢蕭蕭酒紅潮回首六朝南北黯魂
銷縱使鍾山青眼在終不似侶漁樵

水調歌頭

慶平交

七月十七

世不乏季子藉甚有休聲芝蘭挺秀庭砌廣廈萬
間新胸次金天爽豁風骨玉堂清徹才器更輪菌
勁節九秋榦和氣萬家春 過中元纔兩日是生
辰瓣香西上都向此夕頌殷勤自有陰功天佑合
享人間長壽不獨我知君從此見今日冊桂伴靈
椿

瑞鷓鴣

中元過後恰三朝因甚庭闈喜氣飄李謫若非當
此夕申生應是在今宵 蒲斟綠醕歌檀口慢拍
紅牙舞柳腰富貴榮華誰得似祝公千歲樂逍遙
酌江月

壽松山主人 七月十九日

楚天秋早過中元撚指眞飛四莢怪得于門佳氣
蒲恰值生申時節蓬矢當年椒盤今夕瑞木金爐
藝主人情重酒紅潮上雙頰 且看戲綵鼎分冊
桂蘭玉同班列更喜萱庭南極老親授長生秘訣
養浩頤然後昌青紫天報公陰德年年盛會祝延
椿筭千百

蒲天芳

壽劉參議 七月二十日

秋入西郊律調夷則韓堂風露清涼洞天昨夜響
動玉玎璫朱戶銀鏤放鑰長庚夢應誕星郎垂弧

且冀飛五英簪履共稱觴 未施經濟手暫恭
府公論聲揚便好趁昌辰入輔吾皇況是中興啓
運正當宁夢想循良從茲去萬年佐主福壽總無
疆

壽通判 七月二十二日

星昴呈祥山川鍾秀果然生此真賢精神瑩澈秋
水共長天况值西風初起中元七日涼生庭院爽
稱觴賀客車馬看駢闐 開筵稱壽處紅袖歌舞
脆管繁弦願公與椿松對閱天年縱使平分風月
不容暫吟醉茗川龍光近行看鳳詔促入秉鈞權

百字謠

壽丘郎 七月二十四日

河南靈地信從生俊傑皆由天佑見說簪纓稱世
襲復是青氈還舊學海淵源筆端鋒鏑未遜誰居
右使臺暫贊直須黃閣環召 欣遇初度良辰中
元節過九日方稱壽好看萊衣舞處盡羨一門三
秀名過河東迭居宰戢復見常平胄祝君遐筭南
山松栢長茂

乾隆丁酉四月照
宋賓王鈔本校



